

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 28. janúar 1991.

F. h. r.

Þorsteinn Geirsson.

Fanney Óskarsdóttir.

Nr. 63

31. janúar 1991

REGLUR

um endurgreiðslur sjúkratrygginga af tannréttingakostnaði samkvæmt lögum um almannatryggingar.

I. KAFLI

Gildissvið.

1. gr.

Reglur þessar taka til þeirra tannréttinga, sem framkvæmdar eru skv. c stl. 39. gr. og skv. heimild í 2. tl. 44. gr. laga um almannatryggingar nr. 67/1971, með síðari breytingum, eftir því sem mælt er fyrir um í reglum þessum.

2. gr.

Tannréttingaþjónusta skv. reglum þessum skal veitt hjá tannlæknum, sem Tryggingastofnun ríkisins hefur gert samninga við um framkvæmd þjónustunnar, svo og hjá skólatannlæknum og á heilsugæslustöðvum þar sem því verður við komið.

3. gr.

Tryggingastofnun ríkisins annast endurgreiðslur samkvæmt reglum þessum til barna og unglinga að 17 ára aldri. Umsóknir, sem berast frá 17 ára og eldri, skulu því aðeins metnar að tannskekkinga falli undir 6. gr., flokk I og 7. gr. flokk II og ekki hafi af læknisfræðilegum ástæðum þótt tímabært að hefja tannréttingu fyrr.

II. KAFLI

Umsóknir og afgreiðsla.

4. gr.

Umsóknir skulu sendar til Tryggingastofnunar ríkisins (yfirtannlæknis eða umboðsmanns hans) á þar til gerðum eyðublöðum, sem stofnunin lætur í té, þar sem tannlæknir vottar skekkju, meðferðarþörf, tilgreinir væntanlegan tækjabúnað, gerir meðferðar- og kostnaðaráætlun og flokkar tannréttingu skv. reglum þessum. Yfirtannlæknir eða umboðsmaður hans úrskurðar umsókn og afgreiðir innan tveggja vikna frá því hún berst, en mest fjögurra vikna sé ástæða til frekara mats. Sé um flókin atriði að ræða sem þarfnast verulegrar skoðunar getur yfirtannlæni tekið sér lengri frest, enda geri hann umsækjanda grein fyrir málinu. Umsækjandi skal vera búinn undir skoðun yfirtannlæknis eða umboðsmanns hans.

Telji tannlæknir ástæðu til að hefja aðgerð þegar í stað skal það koma fram í umsókn og ástæður rækilega skýrðar. Yfirtannlæknir skal þá taka umsókn til svo skjótrar afgreiðslu sem við verður komið, og tilkynna tannlækni niðurstöður, þannig að sem minnstur dráttur verði á framkvæmdinni.

5. gr.

Sætti hlutaðeigandi sig ekki við úrskurð yfirtannlæknis, sbr. 4. gr., getur hann vísað málinu til tryggingaráðs, sem úrskurðar endanlega í málinu innan 4ra vikna frá því málið berst ráðinu.

III. KAFLI

Flokkur og greiðsluþáttaka.

6. gr.

Tannréttingar skv. c stl. 39. gr.

FLOKKUR I

Sjúðómseinkenni/meðferð	Þátttaka sjúkratrygg.
1. Skarð í vör/tanngarði og/eða gómi	100%
2. Sjúðómseinkenni (syndroms) af meðfæddum áunnum toga sem valda starfstruflunum og/eða afmyndun trygginga- og andlitsvefja (craniofacial malformations)	100%
3. Alvarlegir og/eða illkynjaðir sjúkdómar, sem skerða til skaða tryggingarhæfni og/eða tannréttingarmeðferð er talin bæta batahorfur	100%
4. Meðfædd tannvöntun og/eða tann Galli (vansköpuð tönn, rangstæð tönn, beinlæg tönn, aukatönn), sem leiðir til tannmissis:	
4.1. Vöntun (meðfædd/tannmissir) tveggja eða fleiri tanna, samtímis í framtanna-sjöttungi og tveimur eða fleiri hliðarsjöttungum (partial anodonti). Tannbilum lokað með réttingu og/eða tannbil rétt vegna fyrirhugaðrar smíði tanngerva	75%
4.2. Vöntun (meðfædd/tannmissir) tveggja eða fleiri tanna (local anodonti) í framtanna-sjöttungi, sem lokað er með réttingu	65%
5. Skekkja sem greind er skv. flokki II en ber ekki fullnægjandi árangur án skurðaðgerðar	100%
6. Tannréttingar sem eru að eðli og stærð sambærilegar við liði 1–6	65–100%

7. gr.

Tannréttingar skv. 2. tl. 44. gr.

FLOKKUR II

Endurgreiðsla sjúkratrygginga 50%.

Skekkjueinkenni

1. *Yfirbit* (Skeletal pattern II)
Bitstaða: yfirbit efri góms framtannanna ≥ 9 mm.
2. *Undirbit* (skeletal pattern III)
Bitstaða: undirbit allra fjögurra neðrigóms framtanna: þvingað/óþvingað.
3. *Þúðýpt* (skeletal pattern II)
Bitstaða: djúpt bit, gómbit (gingiva), tveggja eða fleiri framtanna vararmegin/tungmegin.
4. *Opið bit* (skeletal open bite)
Bitstaða fram- og augntanna/framjaxla: opin.
Sambit bakjaxla: hábit (supraocclusion).
5. *Krossbit*
Bitstaða: krossbit einhliða á þremur eða fleiri tannpörum: sambit þvingað/skekk (asymmetrical).
6. *Saxbit*
Bitstaða: saxbit einhliða á þremur eða fleiri tannpörum; sambit þvingað/skekk (asymmetrical)/saxbit tvíhliða á tveimur eða fleiri tannpörum.
7. *Framtönn/auغتönn beinlæg*
Tannstaða: önnur eða báðar augntennur beinlægar/ein eða fleiri framtennur beinlægar; réttar að afstaðinni skurðaðgerð.
8. *Meðfædd vöntun jaxla*
Bitstaða: meðfædd vöntun tveggja eða fleiri fram- og/eða bakjaxla í sama sjöttungi (endajaxlar ekki með taldir).
9. *Tannskekkja* sambærileg skekkju 1.–8. tl. að stærð og grófleika.

FLOKKUR III

Endurgreiðsla sjúkratrygginga 35%.

Skekkjueinkenni

1. *Yfirbit* (skeletal pattern II)
Bitstaða: yfirbit fjögurra efrigóms framtanna 6–9 mm; bit þvingað/óþvingað.
2. *Bitdýpt* (skeletal pattern II)
Bitstaða: sambit framtanna djúpt (cingulum)/svifbit (incomplete occlusion), bitdýpt samsvarandi djúpu sambiti.
3. *Opið bit*
Bitstaða: opið bit, umtalsvert, á tveimur eða fleiri tannpörum.
4. *Krossbit á framtönnum*
Bitstaða: krossbit á einu eða fleiri pörum framtanna.
5. *Tanngleidd á framtönnum*
Tannstaða: framtennur gleiðar umtalsvert (rými mælt í mm)/miðlínuskarð (diastema mediale ≥ 3 mm).
6. *Meðfædd vöntun stakra jaxla*
Bitstaða: meðfædd vöntun eins jaxls (framjaxls/bakjaxls) í einum eða fleiri hliðarsjöttungum.
7. *Tannþröng á framtönnum*
Tannstaða: tannþröng umtalsverð (riðlun/skörun; rými mælt í mm og bitstaða einstakra tanna tilgreind).
8. *Tannskekkingja*
sem leitt hefur til áleitinna huglægra (súbjektifra) einkenna um vanhæfni.
9. *Tannskekkingja*
sambærileg skekkja 1.–7. tl. að stærð og grófleika.

8. gr.

Nái tannskekkingja ekki þeirri stærð og grófleika, sem getur í 7. gr., þ.e.a.s. II. og III. flokki, kemur ekki til endurgreiðslu.

9. gr.

Taki réttingarmedferð nýja stefnu vegna breyttra forsenda, skal umsókn endurnýjuð.

IV. KAFLI

Ýmis ákvæði

10. gr.

Tryggingaráði er heimilt skv. sérstakri umsókn að auka greiðslupátttöku í allt að 100% skv. 6. gr. 4. tl. og í allt að 50%, skv. 7. gr. flokki III, fái tvö eða fleiri börn sama foreldris eða framfæranda tannréttingarmedferð samtímis skv. reglum þessum.

11. gr.

Tryggingaráð gefur út frekari leiðbeiningar um framkvæmd reglna þessara, að fengnum tillögum yfirtannlæknis, sérstaklega hvað snertir matsatriði.

12. gr.

Reglur þessar, sem settar eru skv. c stl. 39. gr. og 2. tl. 44. gr. laga um almannatryggingar nr. 67/1971, með síðari breytingum, gilda um þann tannréttingarkostnað, sem til fellur frá og með 1. janúar 1991 vegna tannréttinga sem hófust 1. nóvember 1989 eða síðar.

Ákvæði til bráðabirgða.

1. Endurgreiðslur skv. 6. og 7. gr. hefjast 1. mars 1991.
2. Heimilt er tryggingaráði fram til 1. sept. 1991 að endurgreiða þeim einstaklingum, sem flokkast skv. III. flokki, 50% kostnaðar, sérstaklega hafi þeir frestað tannréttingum og beðið útgáfu þessara reglna.

Heilbrigðis- og tryggingamálaráðuneytið, 31. janúar 1991.

Guðmundur Bjarnason.

Páll Sigurðsson.